

明鑑易知錄

六

113

537

54



113
537
54

尺木堂明鑑易知錄卷十二

天正十五年二月
花房仙火

上虞朱國標聖懷

周之炯靜專

會稽莫煊煜予昭

鈔山陰吳乘權楚材同輯

周之燦星若

明紀

熹宗哲皇帝

名由校光宗長子在位七年壽二十三歲而崩

編辛酉熹宗皇帝天啓元年春正月兵科給事中楊

漣予告回籍紀漣以移宮一案御史賈繼春侵之漣

因乞歸編命吳宗達黃立極李標錢謙益知誥救編

卷五 蒙古勤遼還奏

閏二月。兵科朱童蒙勤遼還京。紀童蒙還奏。略曰。臣謹者得舊經略熊廷弼。有揮霍之雄才。有沉毅之雅度。極其全力。固能擔人之所不能擔。騁其偏鋒。亦能忍人之所最不忍。任事纔十餘月。而遼陽頽塌之城。如新喪膽之人。復定。奉集瀋陽。今盛京奉天府三空城。今且儼然重鎮矣。曾幾何時。而金湯。金城湯池鼎峙。雉恃以無恐。迄今民安於居。賈安於市。商旅安於途。使後之人。因以為進戰退守之地。臣入遼陽。官民士庶。垂泣而思。遮道而懇。謂數萬生靈。皆廷弼一人之所留。是其

熊廷弼功在存遼

精力在於此。其得謗亦在於此也。抑且督工脩築。刻期責報。縉紳子衿。役無割免。又束縛悍弁。斥逐庸吏。能無騰謗聲乎。言官得之風聞。臚列入告。廷弼勝氣相加。屢疏致辨。非所以待言官。亦非大臣所以自待。廷弼功在存遼。臣會同督臣文球。經臣袁應泰。撫臣薛國用。按臣張銓。據實奏聞。有旨。遼事曾勘已明。熊廷弼力保危城。功不可泯。因言求去。情有可原。今中外多事。用人方急。該部仍議及時起用。以為勞臣任事者勸。編是月辛酉。

江秉謙論
失瀋陽

大清兵克瀋陽。總兵賀世賢、尤世功等皆死之。**紀**
 大清兵攻瀋陽。世賢、世功出城力戰，敗還。明日，降人
 內應，城遂破。世賢、世功俱戰死。總兵官陳策、童仲揆、
 石柱、土官秦邦屏等皆力戰而死。御史江秉謙上言：
 自楊鎬失律，喪師開鐵開原鐵嶺一縣，淪沒其情形
 危急，誠有百倍於此時者。乃熊廷弼受命田間，倉皇
 赴召，單騎出關，收拾餘燼。盡盡城守經年，敵終不能躡
 者，入。何前此垂危之遼，敵不知其所攻。今此堅備之
 瀋，我反失其所守。則廷弼之才識膽略，有大過人者。

袁應泰、張
銓等死節

矣。使廷弼得安其位，決不敗壞至此。然昔之論廷弼
 者，猶曰風聞及查勘已明，而讒構復起。時郭鞏復寧
 壞朝廷之封疆，必不肯消胸中之吟軫。論廷弼寧甘心以
 遼陽與仇敵，必不肯平氣以議論寬勞臣。今日之事，
 何不持一疏以退敵邪？**編**以劉宗周為禮部主事，王
 之宋為刑部主事，高攀龍為光祿寺丞。**編**
 大清兵克遼陽，經略袁應泰、巡按御史張銓等皆死。
 之。**紀**時應泰已撤，奉集威寧諸軍併力守遼陽。今奉
 遼陽遼陽引水注壕。壕，城下地也。治壕列火器，兵環四面守備。

甚設戊辰。

大清兵薄博也城。應泰身督兵出城迎戰。軍敗。應泰

退宿營中。己巳。大清兵掘城西暫入以洩壕水。

分兵塞城東水口。擊敗明軍。遂渡壕大呼而進。戰良

久。大清兵來益衆。明兵敗。望城而奔。殺溺死者無

算。應泰乃入城。與張銓等分皮城陴。固守。諸監司

高出牛維曜。胡嘉棟。督餉郎中傅國。並踰城遁。庚午。

攻城急。應泰督諸軍大戰。又敗。薄暮。譙樓城門上樓火。城

中降人內應。大清兵從小西門入。城中大亂。應泰

何廷魁死
節
崔儒秀死
節

知事不濟。歎息謂銓曰。公無守城責。宜亟收拾餘燼

為退守。河西計。應泰死且不朽。遂佩劍印自縊。意銓

亦以不屈死。守道何廷魁。視其二女。二妾投井。而後

死。監軍崔儒秀自縊於都司堂上。事聞。贈應泰兵部

尚書。予祭葬。官其一子。編夏四月。遼東巡撫薛國用

以病免。以叅議王化貞為巡撫。編遼東死節諸臣。張

銓。崔儒秀。何廷魁。尤世功。秦邦屏等。各贈官恤。蔭有

差。編立妃張氏為皇后。河南開封府祥符縣監生張國紀女。編詔徵前

遼東經略熊廷弼。赴京。御史馮三元。張脩德。魏應嘉

封客氏為
奉聖夫人

各降調。姚宗文革職為民。**編**命何宗彥入閣哈辦事。
進劉一燝韓爌恍少保兼太子太保武英殿大學士。
編秋七月封乳母客氏為奉聖夫人以其子侯國興
為錦衣衛指揮使。**紀**客氏故定興民侯二妻也。年十
八進宮。又二年而嫠。離。寡。婦。曰。嫠。生子國興。至是客氏封
夫人。授國興錦衣指揮。御史劉蘭疏諫以為恩禮所
加權勢歸之不報。**編**復命熊廷弼經略遼東。**紀**廷弼
至京。賜敕書尚方劍起行日。賜大紅麒麟一品服。又
賜宴都城外。**編**以兵部尚書王象乾建節薊鎮行總

魏忠賢用
事

督事。遼東撫標練兵遊擊毛文龍克復鎮江城堡。
編八月內侍魏忠賢矯殺前太監王安。**紀**忠賢初名
進忠。肅寧今直隸河間人。少黠。閉入聲。狡也。慧無藉。好酒
善啗。淡。喜馳馬。能右手執弓左手擊弦。射不多奇。中
目不識丁。而有膽力。猜很自用。嘗與年少賭博不讎。
走匿市肆中。諸少年追窘之。恚甚。因而自宮。見七卷七萬
曆十七年。隸司禮監掌東廠太監孫暹。時熹宗為皇
太孫。忠賢謹事之。導之宴遊。甚得皇太孫歡心。孝和
王后。太孫生母也。忠賢夤入宮。辦膳。其介紹引進者

魏朝朝故屬太監王安名下。安素剛正，主持一宮事。朝日譽平聲忠賢，安善視之。朝初與太孫乳媪母也。客氏私，忠賢亦通焉。光宗即位，冊太孫為東宮。忠賢得充東宮典膳，客氏力也。光宗崩，東宮暫居慈慶，楊漣疏叅及忠賢，忠賢無措，泣求魏朝於王安，力營救之。忠賢深德朝，結為兄弟，而兩人皆客氏私人。上即位數月，一夕忠賢與朝爭擁客氏於乾清宮煖閣，醉言而囂聲達御前。時上已寢，漏將丙夜，俱跪御榻前聽上命。客氏久厭朝儂暄也，薄而喜忠賢，慙陷也，果決也。猛。

上逆知之，乃退朝而與忠賢。忠賢卒矯旨發朝鳳陽，縊殺之。自是得專客氏，而尾大不掉見二卷之患成焉。初上之立也，王安與諸大臣同受顧命，見忠賢侵權，欲重懲之。奏之帝，會御史方震孺上疏請逐客氏，帝乃令客氏出宮。忠賢發安鞫問，安詰責令其自新。忠賢得釋，客氏蚤緣復入宮，將甘心見九卷於安焉。時安奉旨掌司禮監，辭未赴，主體乾即欲起攘之。因忠賢以危言動客氏，忠賢遂啖數給事霍繼華劾安，客氏從中附和之。於是矯旨革安職，而以體乾掌司

魏忠賢殺王安

禮監忠賢必欲殺安。遂以劉朝提督南海子。而降安為南海淨軍。勒令自裁。安既死。而忠賢益無所憚矣。忠賢聞文義。乃取舊司禮監李永貞入。備贊畫。李實李明道。崔文昇各司監局。探上意為奸。忠賢自掌東廠。編九月葬慶陵。光宗陵紀上以客氏保護聖躬。命戶部擇田二十頃。百畝為頃以為護墳香火之用。魏忠賢侍衛有功。命工部以陵工成敘錄。御史王心一奏言。梓宮未殯。先規客氏之香火。陵工既成。強入忠賢之勤勞。於禮為不順。於事為失宜。忠臣愛君。必防其漸。上

王聖趙媯之證

怒責之。編冬十月降吏科給事中侯震陽于外。紀初客氏已出宮。復召入。震陽奏曰。陛下於客氏始而徘徊眷注。稍遲其出。猶可言也。出而再入。不可言也。中涓也。中官羣小煬竈借叢。王聖寵而煽江京李閏之奸。王聖漢安帝乳母與宦者江京李閏扇動內外趙媯寵而媾曹節王甫之禍。趙媯漢靈帝乳母與宦者曹節王甫共相交結可為寒心上怒。降之時御史王心一倪思蕙等相繼疏劾。皆謫降。編吏部尚書周嘉謨罷。大學士劉一燝回籍。刑科給事中孫杰劾嘉謨一燝奉王安之意致悞也編十一月以都察院左都御史張問達為吏

熊廷弼駐劄右屯

部尚書刑部左侍郎鄒元標為左都御史。編遼東經略熊廷弼駐劄右屯。紀廷弼奏言。頃見兵部上疏。欲臣提兵出關。臣敢不出。惟是經略一出。觀望非輕。西人視以為輕重。東敵視以為進退。兵將視以為勇怯。樞臣第知經略一出。足以鎮定人心。不知無一兵之經略出。更足搖動人心也。前留援兵三千。已盡出關矣。此外無一卒一騎。不知樞臣與臣何項兵馬出關。又不知臣駐廣陵。撫臣應駐何地。乞敕兵部速議。無使擔安危之重。臣徒手出門。為敵所笑。既而出關。駐

劄右屯。編四川永寧宣撫使奢崇明叛。紀崇明性陰鷲。佯為恭順。凡有徵調。罔不應命。子奢寅有逆志。會以遼事急。徵四方兵。崇明遂上疏請提兵三萬赴援。遣其將樊龍樊虎以兵至重慶。今四川重慶府四川巡撫徐可求點核汰其老弱。發餉餉復弗繼。龍等遂鼓衆反。殺可求。已而賊逼成都。今四川成都府御史薛敷政左布政使朱燮元悉力捍禦。賊圍城久。歲且盡。會有俘民脫歸者。言賊旦夕須旱船一決勝負。編壬戌二年春正月。四川左布政使朱燮元大破賊。

旱船

呂公車
駁石

兵成都下。奢崇明及其子寅走。詔以燮元為四川巡撫。紀賊數千自林中大噪而出。視之有物如舟高丈許。長五百尺。樓數重。簷第拂。兩旁障蔽。左右板如平地。一人披髮仗劍。上載羽旂。中數百人。各挾機弩毒矢。牛數百頭。運石。轂行旁翼。兩雲樓。俯視城中。燮元曰。此呂公車也。破之。非駁石不可。駁石者。巨木為杆。柱置軸。柱間轉索。運杆。千鈞之石。飛擊如彈丸。賊舟不得近。燮元復募敢死士。以大砲擊牛。中其當軛者。牛駭返走。乘勢縱擊敗之。裨皮將副將也。劉養鯤言有諸生

范祖文鄒尉陷賊中。遣孔之譚來約。賊將羅乾象欲自拔。効用燮元。即遣之。譚復往。至則與乾象俱來。燮元方臥。成樓呼與飲。乾象衷甲佩刀。燮元不之疑。就榻呼同臥。酣寢。達旦。乾象感激。誓以死報許之。絕而出。後賊營舉動。纖悉無不知者。乾象之力也。踰數日。又使牙將周斯盛詐降。質其來。設伏待之。崇明果自至。伏起。獲其從騎數人。崇明跳身免。乾象等內變。賊營四面火起。崇明父子拔營走。乾象等來歸。成都圍解。賊歸重慶。事聞。以燮元為巡撫。**編**

大清兵渡河。紀先是王化貞上疏請戰。廷議賜化貞尚方劍。便宜行事。化貞遂令總兵劉渠移軍振武。而廣寧今盛京錦州府廣寧縣遂空矣。編二月。

高邦佐死節

大清兵下廣寧。監軍高邦佐死之。紀大清兵至振武。總兵劉渠方集陣。先鋒孫得功乃王化貞心腹將也。未戰。遽呼曰兵敗矣。率所部走降。渠略陣馬蹶被殺。西平守將羅一貫死之。得功入廣寧。諭軍民降。封府庫以待。化貞臥方起。叅將江朝棟排闥入曰城中是空矣。化貞股栗不知所為。索所坐馬已為左右竊去。

倉皇乘朝棟馬以行。及門。亂兵訶之曰爾不得出。將縛之。朝棟後至。揮刀與鬪。乃得出。廣寧既失。化貞所招敵騎大肆殺掠。難民西奔者十不存一二。棄老幼於途。蹂踐死者相望。化貞從數十人走閭陽。適經略熊廷弼自右屯引兵至。化貞向廷弼哭。廷弼曰公不名募敵騎。不撤廣寧兵於振武。當無今日。此時惟有護百萬生靈入關。勿以資敵足矣。乃整衆西行。化貞與寧前道張應吾殿後。總督王象乾驗放入關。初按臣方震孺在廣寧。臥未起。聞撫臣王化貞走。亦單騎出。

明鑑易知錄 卷十二
奔各道臣前後相繼走。惟監軍高邦佐沐浴衣冠望闕再拜從容自縊。其僕高永從死焉。編詔遼東撫臣王化貞逮問。經臣熊廷弼回籍聽勘。紀御史謝文錦疏言熊廷弼控扼山海調度鐸三方廣寧原非轄外而必欲驅之右屯。初因邊報緊急移駐閭陽即廣寧地分兵應援未為失策。迨至軍民奔潰。曾與撫臣並轡而西。不能隻身死敵。惡得無罪。王化貞專制一方初意敵騎外助遼人內應。僥幸奇功。不覺墮計。乃復守備不設。浪兵催戰。棄廣寧而奔。罪更何辭。然臣竊歎

謝文錦論
熊廷弼王
化貞疏

兵下恐
脫部字

經臣責任雖重。事權實輕。不幸與兵部相忤。繫計手縛足。展布無由。欲圖固守而不可得。撫臣意氣既銳。熒惑復多。又不幸有兵部為主。言聽計從。雖欲不戰而不可得。是二臣之陷於刑辟者。皆尚書張鶴鳴致之也。有旨廣寧失守。經撫罪無所逃。王化貞逮問。熊廷弼回籍聽勘。編以孫承宗為兵部尚書。東閣大學士直文淵閣。編三月。以王在晉為兵尚書兼都察院右副都御史。經略遼蘄津萊軍務。編夏四月。會勘遼東。經撫熊廷弼與王化貞並坐。斬。詔從之。紀刑部尚

合勘熊王
歛辭

書王紀左都御史鄒元標大理寺卿周應秋會
廷弼王化貞獄成奏言王化貞全不知兵用敵而反
為敵用用閒而反為閒用叛逆如孫得功者自侍左
右而不悟及敵騎尚在百里之外而棄廣寧如敵履
安所逃罪宜服上刑熊廷弼才猷氣魄睥睨謂邪視
也一世往年鎮遼而遼存去遼而遼亡關繫非小及
再起經略即繳有控扼山海之旨識者已知其無意
於廣寧矣抵關以後微有可觀使廣寧告急之日廷
弼仗義誓師收餘燼以圖恢復反敗為功死且不朽

孫慎行劾
方從哲疏

計不及此一聞大兵既敗先奔榆關即有蓋世之氣
亦不足贖喪師失地之罪矣若引從前經略觀之比
之楊鎬更多一逃比之袁應泰友欠一死如厚誅化
貞而少寬廷弼罪同罰異非刑也俱坐斬從之編起
楊漣為兵科都給事中編禮部尚書孫慎行劾前大
學士方從哲罪紀慎行上言皇考實天緣醫人進藥
不審李可灼進紅藥兩丸乃原任大學士方從哲所
進夫丸不知何藥物而乃敢突以進春秋許世子進
藥於父父卒世子自傷與弑不食死春秋尚不少假

借直書許世子弑君。見上卷然則從哲宜何如處焉。臣謂從哲縱無弑之心。却有弑之事。欲辭弑之名。難免弑之實。宜直書云。方從哲連進紅藥兩丸。須臾帝崩。恐百口無能為天下萬世解矣。乞將從哲連嚴兩觀。貫之誅。李可灼嚴加拷問。置之極刑。有旨會議具奏。編五月授毛文龍總兵官。編秋七月貴州水西土目安邦彥叛。以太常寺少卿王三善為右僉都御史。巡撫貴州。編詔李可灼著着法司究問。崔文昇仍發遣南京。紀吏部尚書張問達。戶部尚書江應蛟會

議。孫慎行疏論方從哲弑逆二字。何忍加之。但李可灼進藥之後。適會皇考賓天。臺臣王安舜疏請嚴究。從哲先稟罰俸。繼稟養病去。失之太輕。從哲已認罪。自請削奪為法任咎矣。若李可灼應拏。解法司究問。至崔文昇先進大黃涼藥。及可灼進紅丸。又不詳察。可否應與可灼並正典刑。上曰。李可灼本不知醫。希圖僥幸。委應重處。方從哲稟擬大輕。然心跡自明。何可輕議。可灼著法司究問。崔文昇仍發遣南京。此事紛紜多日。今處分已定。大小臣工。不得再生事端。編

釀金講學

以李若珪楊漣並為太僕寺少卿。編八月左都御史
鄒元標副都御史馮從吾並致仕。紀兵科給事中朱
童蒙疏劾元標從吾釀強入聲。釀也。金講學比之妖賊。元
標從吾致仕歸。編冬十月脩撰文震孟庶吉士鄭鄮
太僕寺卿滿朝薦並謫歸。紀震孟上言勤政講學
之實中云君臣相對如家人父子則左右近習無緣
可以蒙蔽疏入魏忠賢不下鄭鄮復疏趣促之曰經
御覽而留中則非止輦轉園之義不經御覽而留中
必有藏伏與援之奸本朝故事惟武宗及神宗末年

止輦轉園

有之。權璫煬竈相顧太息無可如何矣。忠賢深惡之。

承上觀劇

戲

摘震孟疏中傀

悞

上

備壘

木偶人也

列子周穆王時

能歌舞此蓋傀儡之始

登場語激怒上時朝薦亦言

之力俱謫歸

編

十一月以趙南星為都察院左都御

史十二月以顧秉謙魏廣徵為大學士入閣辦事

編以楊述中為川貴總督

編癸亥三年春正月安邦彥復糾奢寅父子與雲南

土司安効良等率眾數萬并力攻陸廣紀先是貴撫

王三善以倉儲空虛欲因糧於敵又諸軍視賊過易

向大方奢社輝初土司安堯臣死妻奢社輝撫其幼子安位襲職安邦彦其族人挾之叛

一屯鴨池向安邦彥巢穴至是賊攻陸廣明楷奮勇

接戰衆潰溺水死者數千明楷陷賊中賊乘勝赴鴨

池我兵退屯威清三善收兵入城土司苗仲見我軍

不利復肆劫掠自龍里至甕城屍橫四十餘里編秋

八月詔開內操紀開內操鉦鉦似小鐘鏡以止鼓鑼

宮禁御史劉之鳳上言音撓鑼音濁

虎符重兵何可倒戈授巷伯即宦官詩小雅有巷伯篇之手假令

詔開內操

劉瑾擁甲士三千能束手就擒乎御史李應昇黃尊

素宋師襄文章論之尊素疏有阿保重於趙嬈見上

禁旅近於唐末等語魏忠賢尤惡之皆矯旨切責忠

賢自殺王安後益驕橫設內操萬人衷甲出入內監

王進嘗試銃上前銃炸傷進手上幾危光宗選侍趙

氏與客客氏魏忠賢不協矯旨賜死選侍盡出光宗所賜

珍玩列於庭再拜投繯錢而絕裕妃張氏方妊任

也膺冊封禮客氏譖於上絕飲去聲食寺閉禳道中偶

天雨匍匐躬兩管溜雷去聲數口而絕成妃李氏

誕二公主而殤。先是馮貴人嘗勸上罷內操。客魏惡之。矯旨貴人誹謗。賜死。成妃從容爲上言之。乃矯旨革封。絕飲食。成妃故鑿裕妃飢死。密儲食物壁間。數日不死。魏客怒。少解。斥爲宮人。皇后張氏素精明。魏客憚之。后方妊。腰痛。客氏密布心腹宮人。奉御無狀。隕焉。又於上郊天之日。掩殺胡貴人。以暴疾聞。編冬十月。以楊漣爲左僉都御史。協理院事。編貴州巡撫王三善自將兵六萬擊安邦彥。大敗之。邦彥遁走。三善直趨大方。沿途殺賊。降者相繼。編十一月。王三

善入大方。奢社輝及其子安位乞降。總督楊述中許之。紀時三善以元凶未窮。當用勦。爲撫而述中一意主撫。議遂不合。三善駐大方日久。食盡。述中弗爲援。安邦彥日夜聚兵。日益。令其黨陳其愚詐降。三善輕信之。多與參贊軍務。由是織悉盡知。

編甲子四年春正月。王三善自大方還貴州。爲賊黨陳其愚所殺。紀其愚從三善行。忽傳其愚山後遇賊。三善勒馬回視。其愚故縱轡衝三善墮地。三善知有變。將帥印付家人屬。祝令護持先去。卽抽襪中小刀

自刎頸皮已破其愚下馬奪其刀賊蜂擁而至三善罵賊不屈賊割其首去事聞楊述中回籍聽勸既而監軍御史傅宗龍獲陳其愚誅之編三月以蔡復一為川貴總督兼巡撫貴州賜尚方劍編廕魏忠賢弟姪一人錦衣百戶編夏五月以許顯純掌北鎮撫司理刑編六月左副都御史楊漣疏劾魏忠賢二十四大罪紀漣言忠賢原一市井亡賴人耳中年淨身貪入內地初猶謬為小忠小信以倖恩既而敢為大奸大惡以亂政祖宗之制以票擬託重閣臣責無他

楊漣劾魏忠賢二十四大罪

委自忠賢擅權旨意多出傳奉徑自內批壞怪祖宗二百年來之政體大罪一也劉一燝周嘉謨同受顧命之大臣也忠賢急於剪已之忌不容陛下不改父之臣大罪二也先帝一月賓天進御進藥之閒實有隱恨執春秋討賊之義者孫慎行也明萬古綱常之重者鄒元標也忠賢一則逼之告病去一則嗾數言官論劾去顧於護黨氣毆聖母之人閣臣沈淮黨曲意綢繆終加蟒玉以贈其行親亂賊而離忠義大罪三也王紀鍾羽正先年功在國本及紀為司寇執法

如山羽正為司空清脩如鶴忠賢一則使人交諱歲於堂辱而迫之去一則與沈灌確交構陷之削籍去必不容盛時有正色立朝之直臣大罪四也國家最重無如枚上見上忠賢一手握定力阻前推之孫慎行盛以弘更為他辭以錮其出是真欲門生宰相乎大罪五也爵人於朝莫重廷推去歲南太宰北少宰所推皆點陪貳致一時名賢不安位去顛例有常之銓政掉聲逆上弄不測之機權大罪六也聖政初新正資忠直乃滿朝薦文震孟等九人抗論稍忤忠賢傳

奉盡令降斥屢經恩典竟阻賜環長安謂陛下之怒易解忠賢之怒難調大罪七也然猶曰外廷之臣子也傳聞宮中有一舊貴人以德性貞靜荷上寵注忠賢恐其露已驕橫謀之私比託言急病立刻掩殺是陛下且不能保其貴幸矣大罪八也猶曰無名封也裕妃以有喜得封中外欣欣相告忠賢以抗不附已屬祝其私比矯旨勒令自盡是陛下不能保其妃嬪矣大罪九也猶曰在妃嬪也中宮有慶已經成男乃繞電流虹之祥忽化為飛星墮月之慘傳聞忠賢與

奉聖夫人實有謀焉。是陛下不能保其子矣。大罪十也。先帝在青宮四十年，操心慮患，所以護持孤危者，僅王安一人耳。陛下倉猝受命，擁衛防護之中，亦不可謂無微忠而忠賢以私忿矯旨掩殺於南海子，是不但讎王安而實敢於讎先帝之老僕與陛下老犬馬略無顧忌，大罪十一也。今日獎賞明日祠額，要挾無窮。主言屢數，近又於河間府見上五肅寧毀入房屋，以建碑坊，鏤鳳雕龍，于雲插漢，又不止於瑩地擅用朝官，規制僭擬陵寢而已。大罪十二也。今日廕中

書明日廕錦衣金吾之堂，口皆乳臭，誥敕之館，自不識。如魏良弼、魏良材、魏長卿等五侯七貴，何以加茲大罪十三也。因立枷之法，以示威。枷號家人者，前親死皇人欲扳攀陷皇親也。扳陷皇親者，欲動搖三宮也。當時若非閣臣力持，椒房之戚，椒房皇后所居以椒和泥塗壁取其溫煖而香辟除惡氣也故后家稱椒房又興大獄矣。大罪十四也。良鄉今直隸順天府良鄉縣生員章士魁以爭煤窰姚傷其墳脈，託言開礦而致之死。假令盜長陵一抔土，袁漢張釋之民取長陵一抔土，長陵高帝陵也。抔，手掬也。傳假令愚之也，不敢斥言毀撤山陵，故以取土為喻。何以處之。

趙高鹿可為馬。忠賢煤可為礦。大罪十五也。伍思敬
胡遵道以侵古去聲牧地細事而徑置囚阱草菅漢買
誼傳其視殺人士命使青燐鄰赤壁之氣先結於壁
若刈草菅然宮泮藻之間。大罪十六也。科臣周士樸執糾織監一
事。原是在工言工。忠賢竟停其陞遷。使吏部不得專
其餘除言官不敢司其封駁。大罪十七也。北鎮撫臣
劉僑不肯殺人媚人。自是在刑言刑。忠賢以其不善
鍛鍊。竟令削籍。明示大明之律令可以不守。而忠賢
之律令不可不遵。大罪十八也。科臣魏大中到任。已

奉明旨。鴻臚寺傳單。忽傳詰責。及科臣覆奏。臺省交
章。又再襲王言。而煌煌天語。朝夕紛更。令天下後世
視陛下為何如主。大罪十九也。東廠原以察奸細。非
常不以擾平民也。自忠賢受事。雞犬不寧。野子傳應
星等為之招搖。引納陳居恭為之鼓舌。搖唇傳繼。教
為之投畀。設網片語違忤。駕帖立下。如近日之逮中
書汪文。言不從。閣票不令。閣知。而傳應星等造謀告
密。日夜未已。勢不至於與同文之獄。宋哲宗朝蔡京
元祐諸賢下文彥博子及甫於同文刊黨錮之碑。宋徽
館獄遂錮劉摯梁燾子孫於嶺南

宗朝蔡京追憾元祐元符末羣賢籍司馬光文彥博呂公著蘇軾程頤等百二十人等其罪狀謂之姦黨請御書刻石不已者當年西廠汪直之僭恐未足語於端禮門

此大罪二十也前韓宗功潛入長安偵見七卷探虛

實往來忠賢私房之家事露始令避去大罪二十一

也祖制不蓄內兵原有深意忠賢創立內操使羽黨

盤踞其中安知無大盜刺客深謀不究之人識者每

為寒心昔劉瑾招納亡命曹吉祥傾結達官忠賢蓋

已兼之大罪二十二也忠賢進香涿州屬直隸順天府警蹕

見二卷傳呼清塵墊店除也道人人以為駕幸涿州及

其歸也以輿夫為遲改駕駟馬羽幢青蓋夾護環護

則已儼然乘輿矣大罪二十三也蓋寵極則驕恩多

成怨聞今春忠賢走馬御前陛下曾射不殺其馬貸

忠賢以不死忠賢不自畏罪請死且進有傲色退有

怨言朝夕隄防介介不釋從來亂臣賊子只爭一念

放肆遂至收拾不住奈何養虎兇於肘腋開乎此又

寸鬮見五卷忠賢不足盡其辜者大罪二十四也凡

此逆跡左右既畏而不敢言外廷又皆觀望而不敢

言即或內廷奸狀敗露又賴有奉聖客氏為之彌縫

其罪戾而遮飾其回邪。舉朝內外。但知有忠賢。不知有陛下。且如忠賢已往涿州矣。一切事情。必星夜馳請。意旨票擬。必忠賢到始敢批發。嗟嗟。天顏咫尺之間。忽漫不請裁。而馳候忠賢。意旨於百里之外。事勢至此。陛下威靈尚尊於忠賢邪。疏入。忠賢亦懼禍。泣訴上前。客氏又從中委曲調之。遂令魏廣微條旨。廣微素固結忠賢。附為同姓。漣疏中復有門生宰相語。廣微恨之。是時忠賢亦有疏辭。廠疏先下。備極溫諭。次日乃下漣疏。切責不少貸。諸臣無不憤激。繼漣申

貸熊廷弼等死罪

奏者不下百餘疏。無不危悚激切。俱不聽。編秋七月。大學士葉向高予告回籍。封光宗選侍傅氏為懿妃。李氏為康妃。編九月。大學士孫承宗請貸楊鎬熊廷弼王化貞死。許之。紀承宗出關視師。請寬繫臣楊鎬熊廷弼王化貞死罪。遣戍。恕効用上。許待以不死。編冬。十月。降吏科都給事魏大中。吏部員外夏嘉遇。御史陳九疇。三級調外。吏部尚書趙南星。左都御史高攀龍。乞罷。許之。紀大學士韓爌力爭。不報。南星等狼狽。見四卷。去國。編削吏部左侍郎陳于庭。右都御

史楊漣左僉都御史左光斗籍紀趙南星之去也銓部以陳于庭代署西臺以楊漣代署俱留中及會推冢宰漣以注籍不與其所會推喬允升馮從吾汪應蛟上仍以南星私人責之并責楊漣河南道御史袁化中一時盡去部署為空編十一月加援遼總兵官

部署為空
加下之龍
左都督

復逮汪文
言

毛文龍左都督賜銀幣時文龍屢報捷也編以崔景榮為吏部尚書改戶部尚書李宗延掌都察院事以徐兆魁為吏部左侍郎編十二月復逮汪文言是年三月

之也

編乙丑五年春正月起崔呈秀復為御史紀呈秀為高攀龍所糾乃微服叩賂魏忠賢願為忠賢子呼之以父忠賢大悅遂出中旨免其勘起用時忠賢竊柄動曰中旨兵科給事中李魯生阿忠賢意上言執中者帝宅中者王旨不自中出而誰出時論鄙之編罷禮部侍郎何如寵右諭德繆昌期削太僕寺少卿劉宗周籍起用阮大鍼等十一人編二月大理寺丞徐大化劾楊漣左光斗紀大化奏漣光斗黨同伐異招

權納賄命侯汪文言逮至鞫之。編削御史周宗建李應昇黃尊素張慎言籍紀工部主事曹欽程復劾趙南星周宗建張慎言李應昇高攀龍黃尊素鄒維漣魏大中。大約誣以受熊廷弼賂以汪文言為之證。編夏四月給事中霍維華疏論挺擊紅丸移宮三案。紀霍維華上疏論三案其略曰。選侍之請封也。請封妃也。妃之未封而況於后。請之不得而況於自后不妃不后。而況於垂簾。臣謂宮不難移也。王安等故難之也。難移宮者。所以重選侍之罪。而張擁戴之功。神祖

霍維華上言三案

冊立東宮稍遲。諸臣羣起而爭之。然篤愛震器。易繫辭序封傳土器者莫若長子。故受之以震。始終不渝。倘果如奸邪所稱廢立巫蠱。漢戾太子以巫蠱獄死之謀。則九閭遂密。乃藉一風癩之張差。有是理乎。非神祖先帝慈孝無間王之案。陸大受同惡相濟。開釁骨肉矣。神祖升遐先帝哀毀。遽發夙疾。而悠悠之口。致疑於宮掖。豈臣子所忍言。孫慎行借題紅丸。誣先帝為受鳩。見六卷加從哲以弒逆鄒元標鍾羽正。從而和之。兩人立名非真。晚節不振。委身門戶。敗壞生平。伏乞嚴諭纂脩諸

許顯純勘
汪文言獄

臣以存信史已而三朝要典成魏忠賢矯宸翰弁之
 編五月命錦衣衛指揮掌北鎮撫事許顯純勘問汪
 文言獄紀辭連趙南星楊漣左光斗魏大中繆昌期
 袁化中惠世揚毛士龍鄒雄璉鄧漢盧化鰲夏之令
 王之寀錢士晉徐良彥熊明遇施天德等已而忠賢
 矯旨命顯純復訊之於是周朝瑞黃龍光顧大章并
 以求緩楊熊獄入焉初文言再下詔獄鍛鍊兩月餘
 弗屈有旨杖之百其甥悲失聲文言叱曰孺子真不
 才死豈負我哉而效兒女子相泣邪至是下獄嚴鞫

者四酷刑備加弗屈如故最後不能堪始仰視許顯
 純曰吾口終不似汝心任汝巧為之我承焉可也顯
 純誣魏周諸人以賊文言蹶起曰天乎寃哉以此鱉
 歲清廉之士有死不承編秋七月下楊漣周朝瑞左
 光斗顧大章袁化中於北鎮撫司紀初獄上擬漣以
 移宮一案許顯純等相與謀謂不可入移宮則罪名
 不大不假借封疆則難與追賊遂坐以受熊廷弼賄
 漣等不肯承而顯純箠楚甚酷無生理左光斗曰彼
 殺我有兩法乘我之不服而亟鞫以斃之又或陰害

張訥請廢天下書院

決熊廷弼

賜魏忠賢客氏印

於獄中。徐以病聞耳。若初鞫輒服。即送法司。或無死理。於是靡焉承順。遂五日一比。慘毒更甚。見者無不切齒流涕。**編**八月。御史張訥請廢天下書院。**紀**訥上書論東林書院。詆鄒元標孫慎行。馮從吾。余懋衡。俱削籍。**編**副都御史楊漣卒于獄。**編**吏科都給事魏大中卒于獄。其子學伊死之。伊。學伊。扶輿歸朝。夕號哭。未嘗入寢室。勺水不進。**編**而**編**決熊廷弼于市。僉都御史左光斗卒于獄。**編**九月。賜魏忠賢印。文曰顧命元臣。客氏印。文曰欽賜奉聖夫人。顧大章下獄卒。**編**冬。十月。皇子生。榮妃任氏。

天監錄

同志錄

點將錄

出**編**以兵部尚書高第經略遼東。**編**十一月。戊趙南星于振武衛。**編**以崔呈秀為工部右侍郎。**紀**時殿工興。魏忠賢借督工。無日不與呈秀屏丙人密語。呈秀授黨人姓名。如天監等錄。忠賢奉為聖書。天監錄首列東林。葉向高。韓爌等十六人。次列東林之黨。孫鼎相。徐良彥等六人。又列真心為國不附東林。顧秉謙。魏廣微等十七人。同志錄者。陳宗器。韓維。思黃。尊素。李應昇。賀煊朗等十八人。點將錄者。首天罡星托塔天王李三才。及時雨葉向高。浪子錢謙益。聖手書生

文震孟白面郎君鄭鄮霹靂火惠世揚大刀楊漣智
多星繆昌期等三十六人地煞星神機軍師顧大章
旱地忽律游大任鼓上阜汪文言等七十二人

編丙寅六年春三月遼東經略高第以病免編以王

之臣總理遼東薊鎮天津登萊等處軍務改經略編

以寧前道袁崇煥巡撫遼東編逮前吏部主事周順

昌下獄殺之紀順昌吳縣屬江南蘇州府人時緹騎見七出

魏大中被逮見二卷六過吳順昌周旋累日臨別涕泗即

以女許配其孫允紳緹騎趣大中行語侵順昌

逮周順昌

順昌張目叱之曰若不知世間有不畏死男子邪若
曹歸語而忠賢我即故吏部郎周順昌也大中下獄
御史倪文煥即以締婚事劾順昌削籍內臣李實復
疏叅順昌高攀龍李應昇黃尊素周宗建五人俱矯
旨逮繫緹騎挾威橫行所至索金數千宗建逮行未
三日而逮順昌者復至吳中沸費然士民素德順昌
聞其逮不勝升冤憤吳令陳文瑞順昌所拔士也夜
半叩戶求見撫牀為去慟順昌曰吾固知詔使必至
此特意中事耳母效楚囚對泣顏色不變語良久令

顏佩韋等
叢毆緹騎

請順昌入治裝。舉家號慟。順昌改囚服出門。士民擁送者不下數千人。順昌出赴使署。開讀巡撫毛一鷺至署。諸生五六百人。主節楊廷樞。劉羽儀。文震亨等。遮中丞。懇其疏救。一鷺流汗不能出一語。緹騎見議久不決。厲聲曰。東廠逮人。鼠輩何敢置喙。於是市人顏佩韋等前問曰。旨出朝廷。乃東廠邪。緹騎曰。旨不出東廠。將誰出。眾怒。鬩洪去聲然而登叢毆緹騎。立斃一人。順昌步詣府署。手書別親友。以是月二十六日行。人無知者。就詔獄。許顯純拷比倍酷。身無完膚。

顧秉謙進
三朝要典

罵不絕口。顯純令獄卒私殞之。臨死短章祈以尸諫。獄卒見而毀焉。編水西苗老虎阿引等殺賊翁奢寅。來降。編夏六月。浙江巡撫潘汝禎請為魏忠賢建祠。守乞賜額從之。絕時汝禎疏先至。而巡按劉之侍疏遲至一日。忠賢怒。削奪之。編閣臣顧秉謙進三朝要典。編秋八月。我

大清太祖高皇帝崩。編九月。我

大清太宗文皇帝即位。編蘇杭織造。李實奏建魏忠賢祠。宇成。乞命杭州衛百戶沈尚文等。永守祠宇。世

魏忠賢祠
宇徧天下

為祝釐禮崇報從之紀祠建於西湖見十一卷之麓六山足
也備極壯麗閣臣縉紳施鳳來撰記張瑞圖書丹賜
額曰普德子衿微有友翻脣者則守祠之豎汝叢殿
之自是四方效尤幾徧天下各曲意獻媚務窮工作
之巧攘民田墓代人樹木無敢發聲其上食享祀一
如王公像以沉香木為之眼耳口鼻手足宛轉一如
生人腹中肺腸皆以金玉珠寶為之衣服奇麗髻計
上穴空其一以簪四時香花一祠木像頭稍大小豎
上冠不能容匠人恐急削而小之以稱去冠焉小豎

抱頭慟哭責匠人編皇子薨大學士顧秉謙回籍
編冬十月以霍維華為太僕寺卿毛一鷺為南京兵
部右侍郎

尺木堂明鑑易知錄卷十二

明鑑易知錄

卷十二

明熹宗

十一

尺木堂明鑑易知錄卷十三
民以田古為其
向書
此取
與
實
可
人
國
其
下
燕
大
學
十
餘
年
精
回
蘇

尺木堂明鑑易知錄卷十三

上虞朱國標聖懷
會稽莫熿煜予昭

鈔
山陰吳乘權楚材同輯
周之燦星若

明紀

熹宗哲皇帝

編丁卯七年春正月我

大清太宗文皇帝天聰元年編削翰林陳仁錫文震

孟鄭鄭籍擬孫文豸柴上罪坐斬紀文豸仁錫戚也

明鑑易知錄

卷十三

明熹宗

二十九

陳仁錫講
時不避忌
諱

嘗作策論嘲瓜平時。魏忠賢知之。因誣文豸造妖言。謗朝政。置重辟。所指妖言者。則韓愈原道篇。欽天監步天歌也。先是仁錫在講筵。因王恭廠火災。又見正人屠戮。忠賢竭土木不休。講時不避忌諱。忠賢怒。遂命許顯純擬文豸獄。詞連仁錫等。因削職。追奪誥命。**編夏五月。**

大清兵圍錦州。今盛京城。錦州府。城分兵圍寧遠。今錦州府。寧遠州。俱不克而還。**編六月。**海寇鄭芝龍等犯閩山銅山中左等處。芝龍福建泉州府南安縣人。**編秋七月。**以田吉為兵部尚書。

懷宗即位
忽天鳴

霍維華為薊遼總督。**編八月。**起復崔呈秀為兵部尚書。少傅兼太子太傅。仍兼都察院左都御史。**編帝崩紀上。**不豫時。魏忠賢張甚。中外危懼。上召皇弟信王入。諭以當為堯舜之君。再以善事中宮為託。及委用忠賢語。信王出。上崩。忠賢自出迎王入。王危甚。袖食物以入。不敢食。大官庖也。是時羣臣無得見王者。王秉燭獨坐。或曰。忠賢欲自篡。而崔呈秀以時未可止之。**編信王由檢即位紀王即位於中極殿。**受百官朝。母賀朝時。忽天鳴。**編九月。**東廠太監魏忠賢乞辭位。

明監易知錄
卷十三
明熹宗

上下恐
疏字

不許奉聖夫人客氏出外宅。編冬十一月安置魏忠賢於鳳陽籍其家紀初上神明默操忠賢黨與林立莫發其奸御史楊維垣首糾崔呈秀語侵忠賢而崔魏之勢衰後工部主事陸澄源兵部主事錢元愨直攻忠賢貢生錢嘉徵上數上聲忠賢十大罪並帝茂后弄兵無二祖列宗克削藩封無聖監爵邀邊功傷民財製名器忠賢不勝升憤哭訴於上命內侍讀嘉徵疏使聽之忠賢震恐喪魄客魏相倚知信邸內監徐應元為上所在忠賢屈身事之餽以貨告之辭東廠印援為後勁應元果為閒至是謫

魏客伏誅

忠賢鳳陽司香祖陵籍客魏二氏安置徐應元於顯

陵見八卷尋謫戍編魏忠賢客氏伏誅紀上諭兵部

曰逆惡魏忠賢擅竊國柄誣陷忠良罪當死姑從輕

降發鳳陽不思自懲素蓄亡命之徒環擁隨護勢若

叛然令錦衣衛擒赴治其罪忠賢宿阜城尤氏邸舍

其黨密報上旨知不免夜自經命大監王文政嚴訊

客氏得官人姪任身也者八人蓋出入掖庭多攜

其家侍媵孕冀如呂不韋不韋娶邯鄲姬絕美者與居知其有娠獻之秦太子

之子異人李園楚考烈王無子李園進其妹於春申君既育娠園使妹說春申君進之王

呂不韋李園事

遂生事也。上大怒。立命赴浣衣局掠死。侯國典魏良卿等俱伏誅。**編**追復太監王安官。予祭葬。立祠。**編**以錢龍錫楊景辰來宗道李標周道登劉鴻訓並為禮部尚書東閣大學士。罷蘇杭織造。**編**命削田爾耕籍籍其家。**紀**戶部員外王守履奏逆黨文臣崔呈秀田吉吳淳夫李夔龍倪文煥為五虎。武臣田爾耕許顯純孫雲鶴楊寰崔應元為五彪。小虎也。乃命籍爾耕家。爾耕貪婪好羅織諸臣。榜掠慘毒。皆爾耕為之。**編**釋大理寺少卿惠世揚御史方震孺獄。**編**罷各道

鎮守內臣。**紀**上諭兵部先朝於宣大薊遼東江之地分遣內臣協鎮。一柄兩操。甚無謂也。且宦官觀兵。古來有戒。其槩罷之。

懷宗端皇帝。名由檢。光宗第二子。初封信王。熹宗崩。無嗣。入繼大統。在位十七年。李自成陷京城。帝自經於萬壽山之壽皇亭。已自成賜去。大清定鼎而明遂亡矣。

編戊辰懷宗皇帝崇禎元年春正月。召前兵部尚書霍維華。**紀**維華辭救命。且述忤璫始末。薦周道登郭鞏。不允辭。**編**許顯純田爾耕伏誅。**紀**法司追論魏忠賢等罪。上命磔。尸也。裂忠賢屍於河閒。斬崔呈秀於

薊州。又戮客氏屍。尋復誅顯純爾耕。天下快之。**編**命內臣俱入直。非受命不許出禁門。**編**二月。以待讀學士溫體仁直經筵日講。免楊漣熊廷弼等誣賊。**編**三月。以周延儒為禮部右侍郎。**編**夏四月。起袁崇煥為兵部尚書兼右副都御史。總督薊遼登萊天津軍務。**編**五月。戎政尚書霍維華罷。**紀**兵部推維華署督師事。工科給事中顏繼祖上言。維華狡人。璫熾則附璫。璫敗則攻璫。擊楊左者維華也。楊左逮而陽為救者亦維華也。以刑科給事中。三年躡致尚書無敘不

顏繼祖劾
霍維華

及有賚必加。即維華難以自解。乞褫革以儆官邪。遂罷維華行邊。尋免官歸。**編**光祿寺卿阮大鍼罷。**紀**大鍼與左光斗同里。有隙。天啓四年。吏科都給事中闕宜補大鍼。廷議以大鍼貪邪。遂授魏大中。其後左魏被陷。皆大鍼意也。至是御史毛羽健劾其黨邪。明年追削籍。**編**兵科給事中李魯生。太僕寺少卿李蕃罷。**紀**魯生當魏忠賢時。迎合中旨。倡為執中之說。蕃督學。建忠賢祠。至是給事中顏繼祖御史王之朝劾罷之。魯生蕃故與禮科給事中李恆茂號三李。謠曰。

三李

官要起。問三李。編編脩倪元璐追論大學士顧秉謙魏廣微媚璫奪恩廢廣微尋削籍。編六月兵部議指海盜鄭芝龍。編是日。

大清兵入內地毀錦州杏山高橋三城。編秋七月袁崇煥入朝紀名見平臺慰勞甚至。問以方略對曰陛下假臣便宜計五年全遼可復。上曰五年復遼朕不吝封侯之賞卿其努力。閣臣劉鴻訓等請收還王之臣滿桂尚方劍以賜崇煥令便宜行事。上從之。編九月鄭芝龍降于巡撫熊文燦。編冬十一月府谷今陝西

鄭芝龍降于熊文燦

張獻忠號八大王

李自成起

安府府民王嘉胤倡亂。延安人張獻忠從之。紀是歲延安大饑嘉胤作亂獻忠從之。獻忠陰謀多智賊中號八大王其部最強旁掠延安諸郡邑。編起朱燮元仍總督貫湖雲川廣五省軍務。編十二月米脂今延縣人李自成起為盜紀延安饑不沾泥楊六郎王嘉胤等掠富家粟有司捕之急遂揭竿為盜自成性狡黠開入善走能騎射家貧為驛書往投焉已而參政洪承疇擊賊破之不沾泥等相次俘獲自成走匿山澤間得免。

長崇煥殺
毛文龍

朱燮元誅
奢安

編已巳二年夏四月秦晉饑盜起紀朝臣捐俸助餉
上曰諸臣與利除害國家受益多矣何必言助編
崇煥殺左都督毛文龍事聞上意殊駭念文龍已死遂暴其罪以安崇煥編
秋七月以司禮太監曹化淳提督東廠編八月總督
賈湖雲川廣五省軍務朱燮元討奢崇明安邦彥誅
之紀時燮元檄滇兵下烏撒蜀兵出永寧扼各路
要害而親帥大軍駐陸廣逼大方崇明號大梁王邦
彥號四裔異大長老及費小阿烏繼阿鮓怯等各號
元帥悉力趨永寧先犯赤水謀謀之細作知之燮元授

意守將許成名伴北誘賊深入度鐸賊已抵永寧分
遣林兆鼎從三岔汾入王國禎從陸廣入劉養鯤從
遵義入邦彥分兵四應力不支羅乾象復以奇兵繞
出其背急擊之賊大驚潰崇明邦彥等皆被創傷也
漢兵斬其首以獻燮元不欲窮兵乃移檄安位赦其
罪許其歸附而位豎汝子不能自決其羣下復謀合
潰兵拒明燮元乃大會諸將曰水西多山險叢箐精
篁黃蠻烟棘旬雨莫辨晝夜深入難出以此多
敗當與諸君扼其要害四面迭攻漸次蕩除使賊乏

糧將自斃。於是焚蒙翳剔巖穴。截溪流。發勁卒馳騁。百餘里。或斬樵牧。或焚積聚。暮還歸屯。賊益不能測。凡百餘日。所得首功萬餘級。生口數萬。每得嚮導。輒發窖。教粟就食。而賊飢甚。劉養胤遣其客入大方。燒其宮室。懸榜而出。安位大恐。乞降。燮元為奏請。詔許之。**編**冬十月我

大清太宗親率兵入邊。蒙古諸部貝勒台吉皆以兵會。**編**李自成稱闖。諸去聲將紀都城警。詔天下勤王。山西巡撫耿如杞入援。兵潰於涿鹿。叛走秦晉間山谷。

李自成稱闖將

李自成出與之合。旬日。眾至萬餘。推高迎祥為首。稱闖王。轉寇山西河南。賊中稱自成為闖將。九年。官軍擊迎祥。斬之。羣盜推自成為主。**編**十一月。大清兵南下。京師戒嚴。整兵也紀始遣乾清宮太監王應朝監視行營。太監馮元昇覈軍訖。始下戶部發餉。又命太監呂直勞軍。**編**十二月。逮薊遼總督袁崇煥下獄。以禮部侍郎周延儒為禮部尚書。東閣大學士。**編**是月。大清兵北去。京師解嚴。罷兵也

明監易知錄

卷十三

明懷宗

卅八

洪承疇巡撫延綏

編庚午三年春正月大學士韓爌罷復故大學士張居正廢賜故都督戚繼光表忠祠命洪承疇巡撫延綏

見六編二月我

大清議和書詞

大清太宗遣使持書至明議和紀書言滿洲國皇帝致書明國皇帝惟師旅頻興互相誅戮天之生民罹離禍實甚言念及此欲盟諸天地共結和好使兩國獲享太平不然何時止息兵戈以幾治安邪故特遣使持書議和惟明示之又與錦州將士書令其申奏和議於是班師編三月

寇患成於此劉懋上言

大清兵抵遼河還瀋陽編夏六月進禮部尚書溫體仁東閣大學士編王嘉胤陷黃甫川清水二營遂據府谷見上紀洪承疇與總兵杜文煥圍之賊夜劫營官兵擊敗之編王嘉胤等掠延安慶陽城堡多陷紀總督楊鶴主撫不以聞與陝撫劉廣生遣官持牌四出招賊賊魁黃虎小紅娘一丈青龍江水掠地虎郝小泉等俱給牒免死安置延綏河西但不焚殺其劫掠如故民罹毒益甚有司莫敢告而寇患成於此矣兵科給事中劉懋上言秦之流賊非流自他省即延

慶之兵丁土賊也。邊盜倚土寇為嚮導。土寇倚邊盜為羽翼。六七年來。韓蒲今陝西西安府韓城蒲城二縣被掠其數不多。至近年荒旱頻仍。愚民影附流劫涇原今陝西平涼府富耀今西安府富平縣之間。賊勢始大。當事以不練之兵。剿之不克。又議撫之。其勦也。所斬獲皆飢民也。而真賊飽掠以去矣。其撫也。非不稱降。聚眾無食。仍出劫掠。名降而實非降也。且今斗粟金三錢。營卒乏食。二十餘月。即慈母不能保其子。彼官且奈兵民何哉。且邇來貪酷成風。民有三金不能供納賦之一金。至於捕

一盜而破十數人之家。完一贖而傾人百金之產。奈何民不驅為盜乎。若營兵曠伍半。役於司道半。折於武弁。所餘老弱。既不堪戰。又不練習。當責督撫清汰操練。以備實用也。編山西流賊破蒲州潞安冬十月。王嘉胤陷清水營。殺遊擊李顯宗。復陷府谷。十一月。盜神一元破寧塞。據之。殺叅將陳三槐。圍靖邊。遂陷柳樹澗保安等城。編辛未四年春正月。刑科給事中吳執御請罷理財加派等事。不聽。紀執御言理財加派不得已而用之。

未有年餘不罷者。捐助搜括二者尤難為訓。上曰。加派原不累貧。捐助聽之好義。惟搜括滋奸。若得良有司奉行。亦豈至病民乎。編神一元陷保安。副總兵張應昌擊敗之。紀一元死。第一魁領其眾。編命御史吳牲華齊平齎聲。金賑陝西饑荒。招撫流盜。編二月。神一魁圍慶陽。今陝西慶陽府紀宜君今陝西延安府宜君縣賊趙和尚等各分犯。不知其數。編三月。賊帥孫繼業茹成等詣總督楊鶴降。紀賊六十餘人來降。鶴受之。設御座於固原。今平涼府固原州城樓上。賊跪拜呼萬歲。因宣聖諭。命

設誓各解散。或歸伍。或歸農。自此羣盜視總督如兒戲矣。編夏五月。我

大清太宗定官制。設立六部。編神一魁降于總督楊鶴。紀一魁降。鶴責數上聲其罪。俱伏謝。一魁有戰騎五

千。鶴侈其事。上言乞賜數萬金賑濟。時宜君雒川延今安府雒川縣盜蜂起。鶴又止巡撫練國事。北征宜雒。賊亦

求撫於國事。從之。其脇從飢民各給牒回籍。首領置軍中。省臣劾宜大總督魏雲中。陝西總督楊鶴。恒臣也。怯玩寇。上切責雲中等。平盜自贖。時言官交論鶴。

鶴疏引咎。編六月。副總兵曹文詔擊斬王嘉胤于陽城。賊復推王自用為首。紀自用號曰紫金梁。其黨自相名目。有老回回。八金剛。闖王。闖將。八大王。掃地王。闖場。塔天。破甲錐。邢紅娘。亂世王。混天王。顯道神。鄉里人。活地草等。分為三十六營。編秋七月。速總督陝西三邊都御史楊鶴下刑部獄。論戍邊。編八月。我大清太宗親統諸軍入邊。至舊遼河而營。蒙古貝勒各率兵來會。編九月。以洪承疇總督三邊。張福臻巡撫延綏。命太監張彝憲總理戶工二部錢糧。唐文

洪承疇總
三邊

吳執御劾
周延儒

征提督京營戎政王坤往宣府。劉文忠往大同。劉允中往山西。各監視兵餉。編給事中吳執御劾大學士周延儒疏。留中。紀執御論延儒攬權壅蔽。私其鄉人。塘報奏章一字涉邊疆盜賊。輒借軍機密封下部。明畏廷臣摘其短長。他日敗可以捷聞。功可以罪案也。陛下習見延儒摘發細事。近於明敏。遂爾推誠。抑知延儒特借此以行其私乎。上切責之。執御劾疏凡三上。俱留中。編冬十月。命太監監軍。紀王應朝往關寧。張國元往薊鎮東協。王之心。中協。邵希韶西協。編十

張獻忠降於洪承疇

一月以太監李奇茂監視陝西茶馬吳直監視登島
 兵餉紀初上既罷諸內臣外事俱委督撫然上英察
 輒以法隨其後外臣多不稱去任使者崇禎二年京
 師戒嚴乃復以內臣視行營自是銜憲四出動以威
 倨上官體加於庶司羣相壅蔽矣編張獻忠率眾降
 于三邊總督洪承疇
編壬申五年春正月延綏賊陷宜君復陷保安合水
紀賊偽為米商人官君遂陷之復陷保安合水
 山西者陷蒲州永寧大掠四出山西巡按御史羅世

弘圖籍

錦歸咎於秦謂以隣為壑給事中裴君賜晉人也上
 言責成秦之撫鎮驅之回秦而後再議勦撫蓋當事
 之無定見如此編洪承疇請開陝西餉銀二十萬資
 勦費并以勸農從之編三月削工部右侍郎高弘圖
籍紀弘圖上言臣部有公署中則尚書旁列侍郎禮
 也內臣張彝憲奉總理兩部之命儼臨其上不亦辱
 朝廷而褻國體乎臣今日之為侍郎也貳尚書非貳
 內臣國家大體臣固不容不慎故僅延之川堂相賓
 主而公座毋寧已之雖大拂彝憲意臣不顧也且總

洪承疇清
蕩諸寇

理公署奉命別建則在臣部者宜還之臣部豈不名
正言順而內外平上以軍興餉事重應到部驗核不
聽弘圖遂引疾求去疏七上竟削籍編三邊總督洪
承疇等擊賊大敗之斬賊首可天飛擒其黨郝臨庵
獨行狼誅之紀先是延西諸寇承疇偕曹文詔先後
清蕩而鐵角城乃邊盜藪郝臨庵可天飛為官軍所
敗獨行狼跳入其伍耕牧鐵角城為持久計聞他盜
盡平甚懼承疇文詔擊破之斬可天飛其二賊亦生
得就誅軍聲益振文詔忠勇善戰承疇與下同甘苦

馬鳴世秦
讀安秦疏

得士卒心轉戰四載斬級三萬西人稍稍休息然亦
憊甚矣陝西原任通政使馬鳴世奏曰三秦即關中
西安府項羽三分關中王秦降為海內上游延安慶
將章邯司馬欣董翳故號三秦陽二府俱屬陝西為關中藩屏丙榆林今陝西又為延慶藩
籬無榆林必無延慶無延慶必無關中矣乃自盜發
以來破城屠野四載於茲良以盜眾我寡盜飽我飢
內鮮及時之餉外乏應手之援揆厥所由緣廟堂之
上以延慶視延慶未嘗以全秦視延慶以秦視秦未
嘗以天下安危視秦而且誤視此流盜為饑民勢焰

燎原莫可撲滅。若非亟增大兵。措大餉為一勞永逸之計。恐官軍驚於東。賊馳於西。師老財匱。揭竿莫禦。天下事尚忍言哉。乞敕所司亟措餉二十萬。給民牛種。為兵士犒賞。急圖安戢。庶全秦安。而各鎮安矣。**編**夏四月。湖廣流盜自興國今武昌府興國州入江西。泰和今吉安府泰和縣安府。泰和今吉安府泰和縣和縣。吉安等處。**編**秋八月。山西巡撫宋統殷擊賊于長子今山西潞安府長子縣。賊奔沁水今山西澤州沁水縣。**編**以司禮監太監曹化淳提督京營戎政。**編**冬十一月。罷山西巡撫宋統殷。以許鼎臣代之。**編**海盜劉香老犯

福建小埕。遊擊鄭芝龍擊走之。張獻忠復叛。

編癸酉六年春正月。副總兵左良玉敗賊于涉縣屬河南。

南彰德府西斬其渠。**編**進副總兵曹文詔都督同知。**紀**文

詔連敗賊於忻代今山西太原府忻州代州間。斬首千五百級。**編**

二月。詔吏部薦舉潛脩之士。**紀**諭科道不必專出考

選。館員須應先歷。知推垂為法。**編**大學士周延儒罷

歸。**紀**延儒以宣府閱視太監王坤疏劾乞罷。不允。左

副都御史王志道土言王坤不宜侵輔臣。上召廷臣

於平臺。謂志道口遺用內臣。原非得已。朕言甚明。何

詔奉潛脩之士

王志道為法度惜

議論之多也。昨王坤之疏，朕已責其誣妄，乃廷臣舉劾莫不牽引內臣，豈處分各官皆為內臣邪？對曰：王坤直劾輔臣，舉朝皇皇為紀綱法度之憂，臣為法度惜，非為諸臣地也。上曰：廷臣於國家大計不之言，惟因內臣在鎮，不利奸弊，乃借王坤疏要挾朝廷，誠巧佞也。因詰志道者再延儒曰：志道非專論內臣實責臣等溺職，上邑稍霽。曰：職掌不脩，沽名立論，何堪憲紀。立命志道退，延儒遂放歸。編夏五月，命太監陳大金等監紀各路兵將功罪。紀上諭兵部流寇蔓萬延

內中軍

溫體仁無所平反

各路兵將功罪，應有監紀。特命太監陳大金、閣思印、謝文舉、孫茂霖為內中軍，會各撫道分入。曹文詔、左良玉諸營尋復以閣思印同總兵張應昌合勦汾陽。今山西汾州府汾陽縣知縣費甲，總位以逼迫苦供，墜井死。編六月，海盜劉香老犯長樂。今福建福州府長樂縣。編秋九月，總兵張應昌敗賊于平山。紀應昌獲賊首張有義，卽一盞燈也。編冬十月，帝論囚。紀上素服御建極殿，召閣哈臣商確。溫體仁竟無所平反。平病反。平而反罪人辭，使從也。陝西華亭。今平涼府華亭縣。知縣徐兆麟赴任七日，城

陳奇瑜平
延綏盜

陷。竟棄市。上頗心惻。體仁不為去聲。人皆寃之。**編**十
二月。延綏巡撫陳奇瑜擊賊。大破之。賊首皆被誅。延
水盜悉平。**紀**時秦賊已盡。入晉流突。畿輔河南至數
十萬。而延綏見上賊首鑽天哨哨去聲。開山谷。獨據末
寧關。在延安府延川縣境。黃河渡日。前阻山險。下臨黃河。負固數年
不下。奇瑜謀取之。乃陽傳總制檄。發兵簡眾七千人。
抵延川。潛師疾走入山。賊不虞。大兵至。倉皇潰。會佚。
焚其巢。縱擊。斬首千六百級。二賊死。分兵擊賊首一
座城。斬之。延水盜悉平。奇瑜威名著關陝。**編**是年陝

西山西大饑。

編甲戌七年春正月。山西巡撫戴君恩誘執降盜王
剛等誅之。**紀**降盜王剛王之臣通天柱等。至太原挾
賞。君恩設宴誘剛等。斬之。共斬四百二十九人。而奇
嵐見二卷大盜高加計。號顯道神。尤橫。會大旱。饑民
投賊者逾眾。**編**李自成張獻忠走。蓋周屋。屬陝西。
安府亦屬西鄠亦屬西間。**紀**總督洪承疇率總兵曹文詔
等先後勦諸賊。斬獲甚眾。羣賊悉奔入商。維今興平。
安府商南。維今南興平三縣。大山中自成獻忠奔。蓋鄠間。**編**謫刑科

明鑑易知錄

卷十三

明懷宗

廿七

袁繼成諫
謫李世祺

給事中李世祺于外。紀以劾大學士溫體仁吳宗達也。山西提學僉事袁繼成上言曰：養鳳欲鳴，養鷹欲擊。今鳴而箝其舌，擊而繼繫其羽，朝廷之於言官，何以異此？使言官括囊無咎，注：易坤卦四爻，括囊无咎，出而大臣終無一人議其後。大臣所甚利。忠臣所深憂。臣所為太息也。且陛下所樂聽者讜言，而天下誤以攻彈貴近為天子所厭聞，其勢將波靡不止。上以越職言事，切責之。編三月，山西自去秋八月不雨，至于是月，大饑，人相食。編總理太監張彝憲請入覲官

袁繼成諫
覲官投明
疏

投明以隆體統。許之。紀袁繼成上言：士有廉恥，然後有風俗；有氣節，然後有事功。如總理內臣有覲官齋冊之令，陛下從之，特在剔釐也。治奸弊非欲羣臣誦膝也。乃上命一出，靡然從風。藩臬守令，參謁屏丙息，得免呵責為幸。嗟乎！一人輯瑞，虞書：輯五瑞，言徵集五等諸侯之瑞，王使之來朝也。萬國朝宗。諸侯春見天子，日朝；夏見日宗，諸臣未覲天子之光，先拜內臣之座。士大夫尚得有廉恥乎？逆璫方張時，義子乾兒昏夜拜伏，自以為羞。今且白晝公庭恬不知恥。國家自有覲典，二百餘年未聞有此。所為太息。

罷各道監
視太監

也。上以越職言事責之。已張彝憲亦奏辨。謂觀官參
謁乃尊朝廷。繼咸復土言。尊朝廷莫大於典例。知府
見藩臬行屬禮典例也。見內臣行屬禮亦典例乎。諸
司至京投冊吏部各官典例也。先謁內臣亦典例乎。
事本典例。雖坐受猶以為安。事創彝憲。即長揖。祇增
其辱。高皇帝立法。內臣不得與外事。若必以內臣繩
外臣。會典所不載。上仍切責之。編夏四月。海盜劉香
老犯海豐。今廣東惠州府海豐縣。編六月。罷各道監視太監。編
總督陳奇瑜受李自成降。復給牌回籍。紀奇瑜圍自

成于漢中

今陝西漢中府

車廂峽。會連雨四十日。賊馬乏芻

死者過半。弓矢俱脫。賊大窘。自成乃自縛乞降。奇瑜

許之。各給免死票回籍。自是復縱橫不可制矣。編秋

七月。李自成陷澄城。今西安府澄城縣。圍郃陽。今西安府

紀自成聞洪承疇兵至。解圍去。轉寇平涼。今陝西平涼府

州。屬西。編江西饑。觀政進士陸運昌上撫字八條。編

九月。賊二十餘營。西至函谷關。在河南河南府新安縣。東至河

陽。今河南府孟津縣。連屯百餘里。別賊萬餘。連營維南。上見閩

焚鄉。今河南府閩鄉縣。編陝賊陷扶風。今陝西鳳翔扶風縣。編命吳

陸運昌撫
字八條

倪元璐制
實制虛八
策

姓巡撫山西。編文十一月。侍讀倪元璐上制實制虛
各八策。紀元璐上制實八策。曰：離敵交，繕旁邑，優守
兵，靖降戎，益寇餉，儲邊才，奠輦轂，嚴教育。又制虛八
策。曰：正根本，伸公議，宣義問，一條教，慮久遠，昭激勸，
勵名節，明駕馭，疏入上，令確奏，伐交實，計其撫降戎，
儲邊才，畱秦晉，餉館監，教習俱下部，其制虛八策，多
係奉旨，不必繼陳。既而元璐再陳，開諫敵之術，且請
盡撤監視內臣，以重邊疆，不報。編逮陝西巡撫練國
事。以秦寇猖獗也。命李喬巡撫陝西。編削總督陳奇瑜職，聽

勘編十二月。進洪承疇兵部尚書，總督河南山西陝
西湖廣保定真定等處軍務。其總督三邊如故。編總
督兩廣熊文燦，遣守道洪雲蒸等招劉香老被執。紀
文燦分雲蒸巡道康承祖，叅將夏之本，張一傑往謝
道山，招劉香老。被執。文燦奏雲蒸等信賊自陷，上以
賊渠受撫，自當聽其輸誠，豈有登舟往撫之理。弛備
長寇，尚稱未知。督臣節制何事。命巡按御史確覈以
聞。已令文燦戴罪自効。
編乙亥。八年春正月。謫兵部職方主事賀王盛于外。

洪雲蒸死節

以再劾温體仁庸奸誤國也。編河南賊分三道。一趨六安一趨鳳陽一趨潁漢。編張獻忠掠廬鳳安慶。編夏四月廣東左布政王世德及福建遊擊鄭芝龍合擊劉香老誅之。紀芝龍合世德兵擊劉香老於田尾遠洋香老賜洪雲蒸出船止兵雲蒸大呼曰我矢誓死報國亟擊勿失遂遇害香老勢蹙自焚溺死。康承祖夏之本張一傑脫歸尋以世德為雲南巡撫加芝龍參將。編六月免陝西巡撫李喬官。以庸懦玩寇也。以甘學閩巡撫陝西。編秦賊搖天動襲陷西和。今陝西鞏昌府西和縣。編秋七月秦賊陷澄城八月。

陷咸陽。編命湖廣巡撫盧象昇總理直隸河南山東

四川等處軍務統關遼兵賜尚方劍便宜行事專制

中原。洪承疇勦寇西北象昇勦寇東。編進支震孟禮

部左侍郎兼東閣大學士。尋忤温體仁罷歸。編冬十月老回

回襲陷陝州。編帝下詔罪已避居武英殿減膳徹樂

紀除典禮外惟以青衣從事以示與行閒文武士卒

甘苦相同之意。編十一月秦賊一字王等部衆出關

鈔掠諸路。紀一字王部衆二十萬撞天王統十七萬

自潼關。見一卷出犯闕鄉。見靈寶今河南府靈寶縣大隊

東行塵埃漲障天。關四十里絡繹百里老弱居中精
騎居外左良玉與總兵祖寬兩軍相隔東西七十里
遙望山頭不敢邀擊賊鈔掠諸路截燒糧草諸軍乏
食編十二月張獻忠合諸賊圍廬州分道陷巢縣含
山遂陷和州沿江下犯江浦。

編丙子九年春正月以劉宗周為工部右侍郎編授
淮安武舉陳啓新吏科給事中紀啓新上言今天下
有三大病曰科目取人資格用人推知行取科道惟
陛下停科目以詘虛文舉孝廉以崇實行罷推知行

授武舉給
事中
天下有三
大病

取以除積橫之習蠲災傷錢糧蘇累困之民而且專
拜大將舉行登壇推轂之禮使其節制有司便宜行
事庶幾民怨平而寇氛靖上異其言特授吏科給事
中命遇事直陳毋隱啓新本庸人時政府覘見三知
上意必有關門特達之典故令啓新上書跪正陽門
曹化淳實聞之於內立致省垣將借以搏擊善類迨
啓新既得進惟從事敝車羸馬以逢迎上意而政府
有求皆不應故政府恨之不見信任工部右侍郎劉
宗周上言武生新授吏科給事中陳啓新一言投契

立置清華此誠盛事。臣愚謂宜先令以冠帶辦事。黃門稍如試御史。俟數月後。果有忠言奇計。實授未晚。不然如名器可惜何。編總理盧象昇大敗張獻忠于滁州。紀獻忠合羣賊圍滁州。屬江象昇大敗之。賊竄河南。編總兵陳永福敗李自成于朱仙鎮。紀自成出河南攻固始。今河南汝寧府固始縣。左良玉遇自成於閩鄉。相持六日。永福援之。敗之於朱仙鎮。在河南開封府城西。自成走登封。今河南河南府登封縣。密縣。屬開封府。尋自成誘別部賊入河南當官兵。而自帥麾下奔漢南。循南山險阨。遵商

雒見上而行。復出陝西。官軍敗績於羅家山。死亡士馬無算。自成自鄜乎州屬陝西延安府至延綏。見上編二月。山西饑。人相食。編甘肅總兵柳紹宗敗賊過天星于西寧州。紀過天星合九條龍等八營。西掠蘭河南。擾會寧。洪承疇檄左光先與紹宗合兵擊之。絕其西奔。賊復自萬安走鹽池。兩軍力戰破之。賊窮。乞請降。陝西巡撫甘學闊受其降。安插其部數萬人於延安。尋延河劫掠如故。編三月。賊九條龍張胖子從南漳柳池陷穀城官山。逼保康。二千里焚掠無遺編南陽沔。饑。紀

母烹女

唐王韋鍵件奏南陽有母烹其女者。編陝西巡撫甘學開削籍聽勘。以孫傳庭代之。編夏四月。延綏總兵俞翀霄引兵逐李自成。被執。紀自成欲往綏德。渡河入山西定邊。副將張天機力戰却之。賊沿河犯朝邑。將圍綏德。翀霄引兵逐賊。陷賊伏中。翀霄被執。綏廷精卒盡覆。賊分陷米脂。見上延安。綏德賊本延安人。至是再入延安。衣去錦繡畫遊街。其親戚故從亂者益衆。編是月。我

大清太宗建國號曰清。改天聰十年為崇德元年。編

本錦書遊

六月。命司禮太監曹化淳同法司錄囚。編秋七月。我大清兵至居庸。見八卷遣內中軍李國輔守紫荆關。許進忠守倒馬關。張元亨守龍門關。崔良用守固關。勇衛營太監孫維武。劉元斌防馬水沿河。編以張元佐為兵部右侍郎。鎮守昌平。紀時內臣提督天壽山者。皆即日往。上語閣臣曰。內臣即日就道。而侍郎三日未出。何怪朕之用內臣邪。編巡撫陝西孫傳庭擊賊于盤屋。見上大破之。紀擒賊首闖王高迎祥及劉哲等。獻俘闕下。見上於市。編八月。老回回焚開封。

明鑑易知錄

卷十三

明懷宗

二四

西關。紀時羣盜出沒豫楚間散而復合。編九月。我大清兵從建昌冷口還。紀守將崔秉德請率兵過歸路。總監高起潛不敢進。揚言當半渡擊之。偵見七卷騎報師已盡行。四日起潛始進石門山。報斬三級。編以兵部侍郎王家貞巡撫河南。總理直隸川湖山陝軍務。編冬十月。工部侍郎劉宗周上疏諫用中官。不報。紀宗周上言。人才之不競。非無才之患。而無君子之患。今天下即乏才。亦何至盡出二三中官下。每當緩急之際。必依以大任。三協有遣。通津臨德有遣。又

劉宗周諫用中官

重其體統。等於總督。中官總督。將置總督於何地。是以封疆嘗試也。且小人與中官每相引重。而君子獨岸然自異。故自古有用小人之君子。終無黨比。中官之君子。陛下誠欲進君子。退小人。而復用中官以叅制之。此明示以左右袒也。不報。時宗周已罷歸編起復楊嗣昌為兵部尚書。命採平陽鳳翔諸礦。以儲國用。編總督貴湖雲川廣等處軍務朱燮元討擺金。兩江巴香狼壩火烘。薨五洞叛苗悉平之。紀燮元既平叛苗。水西勢益孤。又通上下六衛。并清平偏鎮四衛道路。

凡一千六百餘里。設亭障。置游徼。教。邏。卒也。以便往來。滇中沐氏土舍普名聲亂。變元奉命移兵討誅之。

編丁丑十年春二月。左良玉大破賊于舒城。今江南廬州府

舒城縣。六安。今廬州府六安州。連戰三捷。**紀**時總兵秦翼明敗

闖。塌天於細石嶺。擒賊首一條。惹新來虎。賊至英山。

分營山險。伐竹為筏。謀渡江。潛竄大山中。應天巡撫

左良玉恃功驕蹇

張國維檄吸左良玉入山搜捕。良玉新立功。驕蹇不

奉調發。憚入山險。屯於舒城。國維三檄之。始自舒城

進發。賊已飽掠出境。山西總兵王忠以兵援河南。稱

病數月不進。一軍噪而西歸。給事中凌義渠劾之。詔

逮王忠入都。革良玉職。殺賊自贖。**編**命陝西巡撫孫

傳庭兼總理河南。**編**夏閏四月。以熊文燦為兵部尚

書兼副都御史。總理直隸山陝川湖軍務。督勦流寇

編河南巡撫陳必謙罷。以常道立代之。**編**六月。大學

士溫體仁以疾罷歸。**編**秋七月。以史可法為右僉都

御史。巡撫安廬池泰等處軍務。時以寇患故創設。**編**江北賊

陷六合。遂圍天長。李自成寇涇陽三原。西安大震

編官軍敗張獻忠于黃岡。**紀**獻忠復入江北。東掠至

朱燮元平西南

儀真揚州告急獻忠尋西走入楚。編八月以薛國觀
 為禮部左侍郎兼東閣大學士。編冬十月陝賊過天
 星同李自成入蜀混天王。蝎子塊隨之川兵大敗混
 蝎二賊于廣元斬首千級。編水西安位死西南悉平。
 紀位死無嗣族屬爭立朝議欲乘其弊郡縣之朱燮
 元上書諫乃止燮元遂傳檄吸土目諭以威德諸部
 爭納土獻重器燮元名將吏議以為眾建土司使其
 勢少力分則易制各欲保土地傳子孫則不敢為逆
 乃上奏曰臣按西南之境皆荒服也楊氏反播播州今四

州遵義府奢氏反各。蘭州今安氏反水西而滇之定

番彈丸小州為長官司者十有七。二三十年未聞有

反者非他司好逆而定番忠順也蓋地大者跋扈見

卷六之資而勢弱者保世之策也今臣分水西之壤授

諸渠長又有功漢人咸俾世守凡其俗虐政苛斂一

切除之使參用漢法可為長久計制曰可西南遂底

定焉。編十一月以司禮太監曹化淳杜勳等提督京

營

編戊寅十一年春正月總兵左良玉陳洪範大破賊

張獻忠請降

李自成敗走

于郎云西。張獻忠請降。紀初獻忠為盜。洪範捕獲獻忠。異其貌而釋之。以是懷舊恩。乞降於洪範。請率所部殺賊自効。總理熊文燦承制撫之。獻忠請置家口於鄖西。今湖廣鄖陽府鄖西縣文燦為請於朝。詔貸其罪。立功自贖。編二月。巡按河南御史張任學改都督僉事。總兵官鎮守河南。紀任學。記。幸也。希得巡撫。且欲薦故丹徒。今鎮江府丹徒縣知縣張放。極詆諸總兵不足恃。盛稱文吏有奇才。可禦寇。上竟以總兵授之。意大沮悔。編總督洪承疇大敗李自成于梓潼。今四川保寧府梓潼縣紀自

成率殘眾數千走溪南。子身入楚。依張獻忠。不許。至竹溪。今鄖陽府竹溪縣獻忠謀殺之。自成獨乘驪自行六百里。走商雒。見上至浙川。今河南南陽府浙川縣老回回營。臥疾半年餘。老回回授以數百人。仍出剽掠。編夏五月。宣大總督盧象昇以父憂罷。詔以陳新甲代之。令象昇事候編六月。逮湖撫余應桂。以方孔炤為湖廣巡撫。編以楊嗣昌為禮部尚書兼東閣大學士。仍領兵部事編秋九月。我大清兵薄博也。犄子嶺。總督吳阿衡及中軍副將魯

宗文被執皆不屈死之編

大清兵入密雲紀兵部檄宣大山西總兵楊國柱王
樸虎大威入援總督盧象昇立遣三帥入居庸趨都
城陳新甲亦至受敕印交代象昇入勤王中途聞詔
仍賜尚方劍總督天下援軍編冬十月京師戒嚴紀
召孫傳庭於陝西洪承疇於三邊於是承疇傳庭率
諸將合兵五萬先後出潼關入援編以丁啓睿為都
御史巡撫陝西編

大清兵逼京城旬日始解去編十一月

孫承宗一門死節

大清兵克高陽前太傅中樞殿大學士兵部尚書孫
承宗死之子孫共十人皆力戰而死編十一月括廢銅鑄錢十
二月改洪承疇薊遼總督孫傳庭保定總督加傳庭
兵部右侍郎賜尚方劍督諸鎮援軍編
大清兵下山東

尺木堂明鑑易知錄卷十三

早稲田大学図書館

011688996742